

IV. OPOSICIÓN E CONCURSOS

CONSELLERÍA DE CULTURA, EDUCACIÓN E ORDENACIÓN UNIVERSITARIA

ANUNCIO do 10 de xullo de 2013, da Dirección Xeral de Centros e Recursos Humanos, polo que se comunica a apertura dun prazo para solicitar prazas de interinidades e substitucións no corpo de profesores de escolas oficiais de idiomas, nas especialidades de chinés (592004) e xaponés (592013).

Primeiro.

Comunícase que está aberto o prazo para posibles interinidades ou substitucións para o corpo de profesores de escolas oficiais de idiomas, para as seguintes especialidades:

Especialidade	Titulacións por orde preferente*	Formación complementaria
Chinés (592004)	1. Licenciatura ou grao en: <ul style="list-style-type: none"> • Filoloxía Chinesa. • Lingua e Literatura Chinesas. • Lingüística Chinesa. • Estudos de Asia Oriental (itinerario China). • Tradución e Interpretación (chinés lingua B ou C). As titulacións homólogas ás mencionadas, segundo o Real decreto 1954/1994, do 30 de setembro (BOE do 17 de novembro).	
	2. Calquera titulación universitaria superior da área de Humanidades.	Certificado de aptitude ou certificado de nivel avanzado das ensinanzas de idiomas de réxime especial no idioma chinés.
	3. Calquera titulación universitaria superior.	Ter cursado un ciclo dos estudos conducen-tes á obtención das titulacións especificadas no número 1, xunto co certificado de aptitude ou o certificado de nivel avanzado nas ensinanzas de idiomas de réxime especial no idioma chinés.
Xaponés (592013)	1. Licenciatura ou grao en: <ul style="list-style-type: none"> • Filoloxía Xaponesa. • Lingua e Literatura Xaponesas. • Lingüística Xaponesa. • Estudos de Asia Oriental (itinerario Xapón). • Tradución e Interpretación (xaponés lingua B ou C). As titulacións homólogas ás mencionadas, segundo o Real decreto 1954/1994, do 30 de setembro (BOE do 17 de novembro).	



Especialidade	Titulacións por orde preferente*	Formación complementaria
	2. Calquera titulación universitaria superior da área de humanidades.	Certificado de aptitude ou certificado de nivel avanzado das ensinanzas de idiomas de réxime especial no idioma xaponés.
	3. Calquera titulación universitaria superior.	Ter cursado un ciclo dos estudos conducen-tes á obtención das titulacións especificadas no número 1, xunto co certificado de aptitude ou o certificado de nivel avanzado nas ensinanzas de idiomas de réxime especial no idioma xaponés.

*Aínda que o baremo sexa inferior, as persoas que posúan as titulacións especificadas no punto 1 terán preferencia sobre as persoas coas titulacións dos puntos 2 e 3; así mesmo, as persoas con titulacións do punto 2 e baremo inferior ás do punto 3 terán preferencia sobre elas.

Segundo.

Ademais do requisito de titulación, deberá acreditarse a formación pedagóxica e didáctica establecida no artigo 100.2 da Lei orgánica 2/2006, do 3 de maio, de educación, e, polo tanto, estar en posesión do correspondente título de máster regulado pola Orde ECI/3858/2007, do 27 de decembro, pola que se establecen os requisitos de verificación dos títulos universitarios oficiais que habiliten para o exercicio das profesións de profesor de educación secundaria obrigatoria e bacharelato, formación profesional e ensinanza de idiomas.

Non será necesaria a posesión do citado título oficial de máster antes mencionado para o solicitante que acredite estar en posesión, con anterioridade ao 1 de outubro de 2009, dalgún dos seguintes requisitos:

a) Estar en posesión do título profesional de especialización didáctica, do certificado de cualificación pedagóxica ou do certificado de aptitude pedagóxica.

b) Estar en posesión dun título universitario oficial que habilite para o exercicio da profesión de mestre, ou dun título de licenciado en Pedagogía ou Psicopedagogía, así como calquera outro título de licenciado ou outra titulación declarada equivalente que inclúa formación pedagóxica e didáctica.

c) Ter impartido docencia durante un mínimo de 12 meses en centros públicos ou privados de ensino regrado, debidamente autorizados, nos niveis e ensinanzas cuxas especialidades docentes se regulan no Real decreto 1834/2008, do 8 de novembro. Esta



experiencia docente acreditárase mediante certificación da dirección do centro, co visto e prace da Inspección Educativa.

Terceiro. *Prazo de solicitude*

O prazo para presentar a instancia de solicitude, na Consellería de Cultura, Educación e Ordenación Universitaria ou nos seus departamentos territoriais, será de dez días naturais contados a partir do día seguinte ao da publicación deste anuncio no *Diario Oficial de Galicia*.

Cuarto. *Modelo de solicitude*

O modelo de solicitude está á disposición dos interesados na páxina web da consellería, no enderezo <http://www.edu.xunta.es/profesorado> (xestión de profesorado; interinos e substitutos).

Quinto. *Comisión baremadora*

A asignación da puntuación que corresponde aos concursantes efectuaráa unha comisión constituída por funcionarios destinados na Consellería de Cultura, Educación e Ordenación Universitaria. Esta comisión estará cualificada na categoría primeira para os efectos do previsto no Decreto 144/2001, do 7 de xuño (DOG do 25 de xuño).

Poderá asistir ás reunións da comisión, con voz e sen voto, un representante por cada unha das organizacións sindicais con presenza na mesa sectorial docente non universitaria.

Sexto. *Requisitos dos candidatos e candidatas*

- a) Estar en posesión da titulación que se sinala no punto primeiro deste anuncio.
- b) Estar en posesión da formación pedagóxica e didáctica establecida no artigo 100.2 da Lei orgánica 2/2006, do 3 de maio, segundo se sinala no punto segundo deste anuncio.
- c) Ter superado o curso Celga 4 de lingua galega ou validación equivalente.

Non obstante o anterior, poderán presentar solicitudes aquelas persoas que, posuíndo as titulacións sinaladas no punto primeiro, non posúan a formación pedagóxica e didáctica ou curso Celga 4 de lingua galega ou equivalente. Estes candidatos poderán ser seleccio-



nados en defecto de candidatos que si o acrediten. Neste caso, de seren seleccionados, os candidatos deberán superar, no prazo máximo de dous anos desde que sexan nomeados, o curso Celga 4 de lingua galega ou equivalente. A superación do devandito curso deberá ser comunicada á Subdirección Xeral de Recursos Humanos da Consellería de Cultura, Educación e Ordenación Universitaria.

Sétimo.

O baremo, de acordo coa addenda asinada cos sindicatos da mesa sectorial docente o 11 de xullo de 2006 (texto refundido publicado na Resolución do 10 de maio de 2010, DOG do 19 de maio), será o publicado na fase de concurso do último concurso-oposición convocado no DOG.

Santiago de Compostela, 10 de xullo de 2013

José Manuel Pinal Rodríguez
Director xeral de Centros e Recursos Humanos

